АЖРИМ

(Даъво аризани кўрмасдан қолдириш тўғрисида)

Гулистон шахри

2024 йил 03 декабрь

Гулистон туманлараро иктисодий судининг судьяси 3.Раджабов раислигида, Р.Садуллоев котиблигида, Гулистон туман фермер, дехкон хужаликлари ва томорка ер эгалари кенгаши вакили Р.Юсупов (2024 йил 16 сентябрдаги 202-сонли ишончнома асосида), даъвогар вакили - фермер хужалиги рахбари И.Уролов ва жавобгар вакили юрисконсульт Ғ.Намуратов (2024 йил 08 октябрдаги 76-сонли ишончнома асосида) иштирокида, Гулистон туман фермер, дехкон хужаликлари ва томорка ер эгалари кенгашининг даъвогар "DARYO SIRI" фермер хужалиги манфаатида жавобгар "GULISTON CLUSTER" масъулияти чекланган жамияти хисобидан 198 689 843 сум асосий карз ва 53 248 853 сум пеня ундириш тургисида даъво аризаси буйича кузгатилган иктисодий ишни уз биносида, очик суд мажлисида куриб чикиб, куйидагиларни

АНИКЛАДИ:

Гулистон туман фермер, деҳқон ҳўжаликлари ва томорқа ер эгалари кенгаши (кейинги ўринларда — кенгаш) даъвогар "DARYO SIRI" фермер ҳўжалиги (кейинги ўринларда — даъвогар) манфаатида судга даъво аризаси билан мурожаат қилиб, "GULISTON CLUSTER" масъулияти чекланган жамияти ҳисобидан (кейинги ўринларда — жавобгар) 2024 йил 05 январдаги 24-39776/G-1095-25-сонли бошоқли дон ҳарид қилиш бўйича фьючерс шартномасига асосан жавобгардан 198 689 843 сўм асосий ҳарз ва 53 248 853 сўм пеня ундиришни сўраган.

Суд мажлисида иштирок этган кенгаш вакили даъво талабини кувватлаб, даъво аризасида кўрсатиб ўтилган важларини такрорлаб, шу кунга кадар жавобгар томонидан карздорлик тўлаб берилмаганлигини маълум килиб, даъво аризасини каноатлантиришни сўради.

Суд мажлисида иштирок этган даъвогар кенгаш томонидан судга киритилган даъво аризасини кувватлаб, жавобгар томонидан қарздорлик тўлаб берилмаганлигини маълум қилиб, даъво аризасини қаноатлантиришни сўради.

Суд мажлисида иштирок этган жавобгар вакили Кенгаш томонидан судга такдим этилган даъво аризадаги имзо Кенгаш раиси Ж.Даврановга тегишли эмаслигини билдириб, даъво аризасини кўрмасдан қолдиришни сўради.

Суд, ишда иштирок этувчи тарафларнинг тушунтиришини тинглаб, ишдаги мавжуд ҳамда суд муҳокамаси жараёнида тақдим этилган ҳужжатларни ўрганиб чиқиб, даъво аризани кўрмасдан қолдиришни лозим топади.

Ўзбекистон Республикасининг Иқтисодий процессуал кодекси (кейинги ўринларда — ИПК) нинг 149-моддасига мувофик, даъво аризаси судга ёзма шаклда берилади. У даъвогар ёки унинг вакили томонидан имзоланади. ИПК 151-моддаси биринчи қисмининг 6-бандига кўра, даъво аризасини имзолаш ваколатини, агар у вакил томонидан имзоланган бўлса, даъво аризасига уни тасдикловчи хужжатлар илова килинади.

Кенгашнинг судга такдим қилган 2024 йил 06 ноябрдаги 11-сонли даъво аризасидаги Кенгаш раиси Ж.Даврановнинг имзоси унинг паспорти (паспорт серияси АВ 3312892) даги имзо билан солиштириб (таққослаб) кўрилганда, ушбу имзолар ўртасида фарқ (тафовут)лар мавжудлиги, Кенгашнинг даъво аризасига кенгаш раиси Ж.Давранов томонидан шахсан имзо кўйилмаганлиги аникланди. Суд мажлисида иштирок этган кенгаш вакили кенгашнинг даъво аризасига Кенгаш раиси имзо кўймаганлигини маълум қилди.

ИПК 107-моддаси биринчи қисмининг 3-бандига асосан агар даъво аризаси имзоланмаган бўлса ёки уни имзолаш хукуқига эга бўлмаган шахс томонидан ёхуд мансаб мавкеи ёки фамилияси, исми, отасининг исми кўрсатилмаган шахс томонидан имзоланган бўлса, суд даъво аризасини кўрмасдан қолдиради.

Ўзбекистон Республикаси Олий суди Пленумининг 2019 йил 24 майдаги "Биринчи инстанция суди томонидан иктисодий процессуал конун нормаларини кўллашнинг айрим масалалари тўгрисида" ги 13-сон карори 24-бандига кўра, ИПК 149-моддасининг биринчи кисми мазмунига кўра даъво аризаси даъвогарнинг рахбари ёки унинг вакили томонидан ўз кўли билан имзоланган бўлиши лозим.

Бундай ҳолатда суд, ИПКнинг 149, 107-моддаси ва Ўзбекистон Республикаси Олий суди Пленумининг 2019 йил 24 майдаги "Биринчи инстанция суди томонидан иктисодий процессуал қонун нормаларини кўллашнинг айрим масалалари тўғрисида" ги 13-сон қарорида берилган тушунтиришлардан келиб чиққан ҳолда, Кенгашнинг 2024 йил 06 ноябрдаги 11-сонли даъво аризаси шахсан Кенгаш раиси Ж.Давранов томонидан эмас, уни имзолаш ҳуқуқига эга бўлмаган номаълум шахс томонидан имзоланган деб ҳисоблаб, кенгашнинг даъвогар манфаатида киритган даъво аризасини кўрмасдан қолдиришни лозим топади.

ИПК 118-моддасининг биринчи қисмига асосан суд харажатлари ишда иштирок этувчи шахсларнинг қаноатлантирилган даъво талаблари миқдорига мутаносиб равишда уларнинг зиммасига юклатилади.

Ўзбекистон Республикаси Олий суди Пленумининг 2020 йил 19 декабрдаги "Иқтисодий ишлар бўйича суд харажатларини ундириш амалиёти тўғрисида"ги 36-сон қарори 3-бандида даъвони кўрмасдан қолдириш тўғрисидаги ажримлар устидан давлат божи ундирилиши ҳақида тушунтириш берилган.

Бирок, Ўзбекистон Республикаси Президентининг 2017 йил 10 октябрдаги "Фермер, деҳқон хўжаликлари ва томорқа ер эгалари фаолиятини янада ривожлантириш бўйича ташкилий чора-тадбирлар

тўғрисида"ги 3318-сон Қарорининг 3-бандига мувофик, фермер, дехкон хўжаликлари ва томорка ер эгалари манфаатларини кўзлаб судга давлат божи тўламасдан давво аризалари, давлат ва хўжалик бошкаруви органлари, махаллий давлат хокимияти органларининг карорлари, уларнинг мансабдор шахслари хатти-харакатлари (харакатсизлиги) устидан шикоятлар такдим этиш. Бунда давво аризасини каноатлантириш рад этилганда манфаати кўзлаб давво аризаси киритилган фермер, дехкон хўжаликлари ва томорка ер эгаларидан давлат божи ундирилмаслиги белгиланганлиги сабабли, давлат божини ундирувсиз колдиришни, 37 500 сўм почта харажатини даввогар томонидан олдиндан тўланганлигини инобатга олиб, унинг зиммасида колдиришни лозим топади.

Юқоридагиларга асосан ҳамда Ўзбекистон Республикасининг Иқтисодий процессуал кодекси 107-108, 118, 149, 151, 195-моддаларини қўллаб, суд

АЖРИМ КИЛДИ:

Гулистон туман фермер, деҳқон ҳўжаликлари ва томорқа ер эгалари кенгашининг даъвогар "DARYO SIRI" фермер ҳўжалиги манфаатида жавобгар "GULISTON CLUSTER" масъулияти чекланган жамияти ҳисобидан 198 689 843 сўм асосий қарз ва 53 248 853 сўм пеня ундириш тўғрисида даъво аризаси кўрмасдан қолдирилсин.

Олдиндан тўланган 37 500 сўм почта харажати даъвогар "DARYO SIRI" фермер хўжалиги зиммасида қолдирилсин.

Давлат божи ундирувсиз қолдирилсин.

Ажрим қабул қилингандан кейин бир ойлик муддат ўтгач қонуний кучга киради.

Ажрим устидан бир ойлик муддатда шу суд орқали Сирдарё вилоят судининг иқтисодий ишлар бўйича судлов ҳайъатига апелляция тартибида шикоят қилиш (протест келтириш) мумкин.

Раислик қилувчи, судья

3.Раджабов

